

ЩУКИН

НИКОЛАЙ АЛЕКСАНДРОВИЧ

(1933 – 2022)




«Лоны мортӧн, коланаӧн йӧзлы – татшӧм шӧр мӧвпыс Николай Щукинлӧн уна кывбурын. Посни войтырӧс гижысь велӧдӧ лоны веськыдӧн, вӧр-ва дӧзьӧритысьӧн»

Л.А. Пунегова

Николай Александрович Щукинлөн

олөм да творчество йылысь



Николай Александрович Щукин чужлөма 1933 вося август 2 лунö Емдін районса Лыаты грездын. 1937 воын семьяыс вуджөма овны Сыктивкарö. Батьыс усьöма Айму вöсна Ыджыд тыш дырйи, мамыс öтнас быдтöма кык челядьöс.

Сизим класс помалөм бöрын Щукин велöдчис первой номера ремесленнöй училищын. Кык гожöм сэсся плавайтис пароходьяс вылын кочегарөн. Сöветскöй Армияын служитöм бöрын дас кык во машинисталис, слесаралис Сыктивкарса лесокombинатын, помалис рытья школа, литконсультанталис Коми АССР-са писательяс Союзын, уджысь ордчывтöг велöдчис М. Горький нима Москваса литературнöй институтын, а сэсся Ленинградскöй высшöй партийнöй школаын.

Николай Щукин школаын велöдчигөн на босътчылис гижны кывбурьяс. Сэсся ремесленнöй училищын велöдчигөн Анатолий Изьюровкöд вуджöдлисны коми кыв вылö А. Пушкинöс, В. Маяковскийöс, Н. Некрасовöс да мукöд поэтöс. 1958 воын «Войвыв кодзув» журналын сійö йöзöдис ассьыс медводдза гижöд, 1965 воын петис «Ме радейта» кывбур чукöр. Сы бöрын мыччысьöны «Менам бипур», «Азбукаа нöдкывьяс», «Чужан сиктöй-мамöй», «Зарни сюра көр», «Нагай лэбач», «Төлка чипанпи» да мукöд небöг.

Дыр кад Николай Александрович уджалис коми журналистөн. Сылысь гөлөссö позис кывны радио пыр, гижöдьяссö аддзыны «Чушканзи», «Войвыв кодзув» да «Би кинь» журналъясысь. Н. Щукинлөн гижöдьяс пырисны коми литература велöдан небöгьясö да хрестоматиясö.

Николай Щукин уналаö волис, унакöд тöдмасис. Та вöсна и тöдöны сійöс республикаса быд пельöсын. Посни челядьлы лыддьöм вылö гижис уна висът да кывбур. Гижысь радпырысь ветлис аддзысьлыны аслас лыддысьысьяскöд. Сійö вöли зэв гажа да шмонитысь мортөн. Челядькöд паныдасьлöмьяс дырйи Н. Щукин эз сöмын лыддьыв кывбурьяс, но уна шмонитлис да весиг сывлис.

Николай Щукин новлис кузь еджыд тош. Та вöсна сійöс тшöкыда öткодялисны Лев Толстойкöд да Кöдзыд Пöлькöд.

Н. Щукинлысь кывбурьясö да висътьясö вуджöдöма роч, финн, мари, удмурт да мукöд кыв вылö. Шылада-драмаа театрын уна во чöж нин мунöны «Нагай-лэбач», «Зарни сюра көр», «Нёрымö дядьö» челядьлы гижöм кывбура пьеса-мойдыас.

Гижысь кувсис 2022 вося төвшөр 26-öд лунö.

Война кадся челядьдыр



Николай Александрович Шукин чужлөма Емдін районса Лыаты грездын. Куим арөсөдз сәні быдмывлөма, но сәтчөс быдмөмсө ёна эз помнит. Сэсса бать-мамыс вуджөмаоь овны Сыктывкар бердө, Лесозаводө.

«... Олім Лесозаводса первой керкаас, дзик пөжарнөй каланча дорас. Миян керканым зэв кузь вөлі, вөчлөмаоь, буракө, конюшняысь. Кузьсысь-кузь коридор да кызь өти жыр. Быд жырйын оліс торъя семья. Мам-батьлөн ми быдмим кыкөн. Бать, Александр Павлович, карад локтөм бөрад пырис уджавны пөжарнөйөн, а мам, Лидия Семёновна, больничайн песласис. Тадзи и олім война заводитчытөдз. Тшыгъялөмтө сэки эг на төдлөй. Сэсса воис 1941 во. Буретш войнаыд заводитчис. Батьөс босьтісны фронт вылө, а ме медводдза классө пыри велөдчыны, Лесозаводса 26 номера школаө. Велөдчөмыд ёна эз сетчы. Лун и вой вөлі мөвпала пөттөдз сөйөм йылысь. Зэв гөлиника ми олім, ёна тшыгъялім. Меысь ичөт на отсасысь вөлі, а вок меысь на дзояджык. Мам вывті сьөкыда быдтіс миянөс...

... Лесозавадад помалі сизим класс. Сэсса мамлы и шуи, муна, мися, велөдчыны водзө, Затонса 1 номера ремесленнөй училищеө. Тані велөдчи судомеханикө. Училищеын вердісны, сетісны кутшөмсюрө көлуй. Тайөторйыд ыджыд кокньөдөн лои мамөлы. Училищеас велөдчигөн төдмасы Толя Изьюровкөд. Сыкөд өтвылысь сэсса и босьтчим гижны кывбурьястө, медводз видлім вуджөдчыны. Ётвылысь вөлі пуксям да вуджөдам Лермонтовлысь, Пушкинлысь, Маяковскийлысь кывбурьяс коми вылө. Сэсса коркө татшөм гижөдтө вайим «Войвыв кодзулө», но миянлысь эз босьтны. Тайө гижөдьясө пө вуджөдөма нин, а ті пө видлөй ассыныд кывбурьяс гижны. Тадзи и дугдім сэсса вуджөдчөмнад ноксыны. Медводдза кывбурнымөс Толя ёрткөд гижим өтвылысь. Со таdzi заводитчө:

Лөнь гожся рытө гудөкасьөм кылө,
И сыкөд йитчө гажа сыланкыв.
Кык бригада йөктө сцена вылын,
Но медся муса меным өти ныв.

Гижөм кывбуртө Толя пыртөма «Войвыв кодзулө». Сәні сэсса и йөзөдісны сійөс, но мыйлакө менам овөй пасйытөм лөөма. Татшөм ногөн менө бөбйөдлөма ёртөй. Миянлысь кывбуртө аддзөма композитор Александр Осипов да лөсьөдөма сыланкыв. И со өнөдз на тайө сыланкывысь радиолөн фонотекаын.

Гожөмьяснас миянөс, училищеын велөдчысьясөс, мөдөдлісны паракөдьяс вылын ветлыны отсасысьясөн, кочегарьясөн. Бакенщикьяслы вөлі нуам сёян, ломтас. Удитлі «Шенкурск» да «Иртыш» паракөдьяс вылын уджыштны. Уна сикт-грезд мойвиис кытшовтны. Быдлаын бура вочаавлісны. Ми сиктса олысьяслы нулім чери, а найө сетлісны йөв да пөжасьяс.

Училище помалөм бөрын пыри уджавны Вычегдаса судоверфь электростанцияө. А 1952 воас нин босьтісны армияө. Вёскалі служитны Польшаө, авиацияө. Гальванисталігад куимөн-джыниөн воыд төдлытөг коли. Армияын служитігөн комиён да рочөн гижы кывбурьяс, очеркьяс, неыджыд висьтьяс, сэсса йөзөді найөс «Знамя Победы» да «Крылья Советов» армияса газетьясын...»

Йөзөдөма: Николай Шукин: «Шмонитнытө зэв ёна радейта» / сёрнитіс Надежда Мамонтова // Йөблөга. – 2007. – Май 11-өд лун.

Азбукаа нӧдкывъяс




1991 петіс «Азбукаа нӧдкывъяс» небӧг. Сэні быд шыпас вылӧ лӧсьӧдӧма нейджыд кывбур. Быд кывбурлысь нӧльӧд строкасӧ абу помалӧма. Шуан кӧ стӧча колана кыв, сэки тӧдмалан нӧдкывсӧ.

Со кутшӧм кывбур гижӧма «Ч» шыпас вылӧ:

Видзъяс вылын сьылӧ-олӧ,
Кутны кӧсьян – тэысь полӧ.
Ылӧдз чеччыштлывлӧ: звирк,
Тайӧ пурта гагйыс...


(Чирк)

Виталий Токарев, кодӧ серпасалис тайӧ небӧгсӧ, тӧдмаланторсӧ петкӧдлӧма быд серпасын, но вӧчӧма сійӧс дзебыштӧмӧн. (0+)



Серпасалис В.В. Токарев

Азбукаа нӧдкывъяс



2012 воын выль пӧв петіс «Азбукаа нӧдкывъяс» небӧг. Лэдзис сійӧс Коми Республикаса гижысь котыр. Небӧгыс ыджыд формата, гырысь шыпасъяс, югыд рӧмъясӧн мичмӧдӧм. Кыдз и воддза небӧгас быд шыпас вылӧ лӧсьӧдӧма неыджыд кывбур. Гижысь нӧдкывъясас дзебӧма ичӧт зонпоснилы тӧдса да гӧгӧрвоана кывъяс. Ворсігмоз кывъяс тӧдмалӧмын отсӧгӧн лоӧны и орччӧдӧм серпасъяс. Небӧгыс лӧсялӧ сажӧ ветлысь челядькӧд да ичӧт класса ныв-зонкӧд лыддӧм вылӧ.

Со кутшӧм кывбур гижӧма «Ы» шыпас вылӧ:


Олӧ гидын, чукля сюра,
Сетӧ уна небыд вурун,
Нӧльнан кокас жожа гыж,
Тайӧ, дерт жӧ, лоӧ...
(ЫЖ)

Небӧгсӧ мичаа серпасалис Инна Авилова. Нӧдкывъяс вылӧ вочакывъяс позьӧ аддзыны небӧг мышкысь. (0+)



Серпасалис И.А. Авилова

Зарни сюра көр




1993 воын Коми небӱг лэдзанинын петӱ Николай Щукинлӱн «Зарни сюра көр» небӱг, кытчӱ пыртӱма уна гижӱд. Лыддысьысь ӱти кышӱд улысь аддзас быдмӱг, чери да пемӱс йылысь нӱдкывъяс, ворсана-лыддӱдлана кывбуръяс, «Митя да дзодзӱг» висът, а сӱдзжӱ кывбура мойд.

Гижысь лӱсьӱдӱма кывбура мойдсӱ важ йӱзлӱн висътасьӱм подув вылын. «Зарни сюра көр» легенда висъталӱ вӱльнӱй олӱм, бурӱ эскӱм, веськыдлун, радейтчӱм йылысь. Зарни көр — тайӱ мездлунлӱн пас, йӱзлӱн шуд йылысь мӱвп. Та вӱсна сӱйӱс оз вермы кутны озыр морт. Горш да став дорас лӱглунӱн тырӱм Рочевкупеч корӱ кыйны зарни сюра пемӱссӱ Яковӱс, сы вылӱ уджалысь гӱль көр видзысьӱс. Зон кӱсйысьӱ, ӱд сӱйӱ кутӱ лача, мый сьӱлӱмсянъыс радейтана купеч ныв

Марфа коркӱ лоас сьлӱн гӱтырӱн.

Тундратӱ дыр ветлӱм бӱрти Яков воӱ кын сьӱлӱма мича аньлӱн чум дорӱ, но оз ылав сьлӱн мичлуннас. Бур сьӱлӱма морт и тундра нывлысь воксӱ — зарни көрӱс оз нартит, лӱдзӱ. Локтӱ гортас куш киӱн. Лӱк купеч таысь ӱна нӱйтӱ том мортӱс, мыйысь Яковлӱн мамыс пӱртӱ сӱйӱс кырнышӱ. Зарни көр отсалӱ Марфалы, найӱ ветлӱны тундраса ныв дорӱ бурдӱдан зельӱла, кодӱн и мавтӱны зонлысь дойдӱминъяссӱ. (6+)

Серпасъяс гижӱдыяс дорӱ дасътис Геннадий Шарипков.



Сӱк, буретш сӱк
Тундра йӱз водӱд мунлӱс
Чож, зарни сюръяс көр.
Кысь сӱйӱ петавлӱс,



Серпасалӱс Г.Н. Шарипков

Нагай лэбач



«Нагай лэбач» кывбура мойдсö поэт ас ногыс тэчис-лöсьöдіс коми войтырлöн фольклор подув вылын.

Мойдын мунö Сюра Лешак да кузнеч Иван костын тыш. Иван, збой да ён морт, венны öткөн Сюра Лешакöс оз вермы. Сылы отсасьöны Нагай лэбач да Маша, кодöс ичöтсяныыс, кызди Иванöс, пышйöдлöма Сюра Лешак. И авторыс көсйö, мед эськö лыддысьыс век кутіс тöд вылын:

Бурлы паныд лёк кө чужлö,
Венö лёксö крепыд дружба!
Кор ми ставөн öтув олам,
Немся грöзысь ми ог полöй.


Нагай лэбач — тайö шуда бордалöн образ, коді сулалö бур йöз дор, видзö найöс быд лёкысь. Мойдын сійö Иван да Машакöд мунö паныд Сюра Лешаклы отсасьысьяслы — Мути, Ёма да куим юра Гундырлы.

Виктор Порохня дасьтöма гижöд дорö сюжета серпасъяс, кодъяс отсалöны восьтыны мойдыслысь шöр мöвпсö, геройяслысь этшö да мичмöдöны лыддьöмсö. (6+)



Серпасалис В.С. Порохня

Тёлка чипанпи



2003 воын Сыктывкарын петіс Николай Щукинлөн «Тёлка чипанпи» небөг, кытчö пырисны нöдкывъяс, мойдъяс, кывбуръяс, висътъяс.


«Нöдкывъяс куд» юкöнын позьö аддзыны шыпасъяс да лыдпасъяс нöдкывъяс, а нöшта ворсігмоз тöдмавлыны пöтка ним да вотöс, гортса да вöрса пемöс, чери ним да град выв пуктас.

«Быд кад мича» юкөн тöдмöдö чужан мулы да вильшасян кадлы сиём кывбуръясөн. Радейтöмпырысь гижысь вöсьтö Коми мулысь мичлунсö, козьналö сылы шоныд да сьölöм вöрзьöдана кывъяс. Кужöмпырысь вöсьтö и ныв-зонлысь этшсö, чуймöдö шмонитана сюжетъясөн.

«Арлыд вылö видзöдтöг» юкөнö Н. Щукин пыртöма кывбуръяс да сыланкывъяс, висътъяс. Сійö аслас гижöдъяс пыр сёрнитö челядькöд чужан му радейтöм да видзöм, бать-мамöс да пöль-пöчöс пыдди пуктöм йылысь. Ичöтик висътъяс пыр нюмсорён висъталö, мыйла кань да пон оз лöсявны, кыдзи кöза вермö нажöвитны сьöм да варов-ö медводдза классын велöдчысь Миша.


Бöръя юкöнын йöзöдöма «Зарни сюра кöр» мойд-легенда да куим ворсантор, кодъясöс позьö пуктыны челядькöд сцена вылын. Гажа петкöдчöмъяс отсöгөн ныв-зон оз сöмын тöдмасьны важ да виль мойдъясөн, но и петкöдласны асьыныс кужöмлун да сям. (6+)

Небөгсö мичмöдöма графика подув вылын лöсьöдöм Аркадий Мошевлөн серпасъясөн.



Серпасалис А.В. Мошев

Чужан муёй-мамёй






«Чужан муёй-мамёй» небөг петіс 1997 воын. Татчө пырисны шөр арлыда челядьлы кывбурьяс, нөдкывьяс, висьтьяс да «Нагай-лэбач» легенда-мойд.

Гижөдьясысь төдчө, кутшөм ёна Николай Щукин радейтө ассьыс чужан мусö, мича вөр-васö, йөзсö да көсьö, медым эськö и челядь некор эз өтдортчыны на дорысь да вöйö:

Мед эськö быдöнлы лоин бур ёртөн,
Ас чужан муыдлы колана мортөн.
Мед эськö ас нэмнад мукöд моз сяммин
Сины став олöмтö Рöдина-мамлы.


Гижысьлөн кывбур-висьтьясын петкөдчө вөр-валөн да коми мортлөн топыд йитөд. Н. Щукин кужöмөн, тэрмасьтөг висьталö-восьтö ас гөгöртасысь ичöтик казяланторьяс: тичкö тэрыб эзысь войтва, пöрöм пуысь петö лельö, пышкай шорö пырö, сырчик вöсни кокнас жуглö йиа берег дор. Шоныда поэт казтьывлö и ассьыс челядьдырсö, нимкодпырысь гижö öнiя зонпосни йылысь да эскö, мый коми юкмöс некор оз косьми, пыр лоöны чужан муын водзö воськов вöчысьяс. (6+)

Гижөдьяссö небөгас торйөдöма вит юкөн вылö, серпасьяссö на дорö дасьтöма Владимир Моторин.



Серпасалис В.А. Моторин

Шондіа асыв



«Шондіа асыв» небӧг йӧзӧдӧма 2013 воӧ. Николай Шукин гижӧдъяссӧ сийӧма челядылы. Вӧр-ва, вогӧгӧрся кад йылысь кывбуръясас сийӧ висьталӧ быдмысь войтырлы, кызди позьӧ казавны войвыв мулысь аслыспӧлӧс мичсӧ. Гижӧдъясыс кокниа лыддьыссьӧны. Ӧд сӧні петкӧдлӧма посни уловлысь олӧмсӧ, сёрнияссӧ, ворсӧмъяссӧ. Небӧгас пыртӧма неыджыд висьтыяс, найӧс лыддьӧм бӧрын и гырысь, и посни войтырлӧн петас нюмыс.

Кывбура нӧдкывъяс, кывпесанъяс, лыддьӧдлана физзарядка ворсӧдасны дзольукъясӧс, сӧвмӧдасны налысь юр-вем да отсыштасны песны лысьӧм.


Лоны мортӧн, коланаӧн йӧзлы – татшӧм шӧр мӧвпыс уна кывбурын. Босьтам «Мыйӧн лоны?».

Рытьядор гортаныс локтӧны нель ёрт, нуӧдӧны сёрни. Мӧвпалӧны, кодӧн лоасны, кор быдмасны. Ӧти кӧсийӧ лоны шоперӧн, мӧд – космонавтӧн, коймӧд – кодзув восьтысьӧн.

Медічӧтыс, Ванюк со,
Мукӧд моз жӧ вӧзийӧ:
– Ме тай, перво-наперво.
Мортӧн кӧсья лоны.

Быд пӧлӧс удж колана, и оз уджалан местаыс мичмӧд мортӧс, а морт мичмӧдӧ уджсӧ, вӧчӧ коланаӧн став йӧзыслы.

Небӧглысь быд лист бок мичмӧдӧ Наталья Коносоваӧн дасьтӧм серпасъяс. (6+)



Серпасаліс Н.Н. Коносова

Н.А. Щукинлӧн челядьлы гижӧдъяс

Нагай лэбач : [мойд] / Николай Щукин ; серпасалис В. С. Порожня. – Сыктывкар : Коми книжнӧй издательство, 1985. – 48 лист бок : серпас.

Азбукаа нӧдкывъяс / Николай Щукин ; [серпасалис В. В. Токарев]. – Сыктывкар : Коми книжнӧй издательство, 1991. – 32 лист бок : серпас.

Зарни сюра кӧр : нӧдкывъяс, кывбуръяс, висът, легенда-мойд / Николай Щукин ; [серпасалис Г. Н. Шарипков]. – Сыктывкар : Коми книжнӧй издательство, 1993. – 52 лист бок : серпас.

Чужан муӧй-мамӧй : шӧр арлыда челядьлы кывбуръяс, нӧдкывъяс, висътъяс, легенда-мойд / Николай Щукин ; [серпасалис В. А. Моторин]. – Сыктывкар : Коми книжнӧй издательство, 1997. – 72 лист бок : серпас, портр.

Тӧлка чипанпи : нӧдкывъяс, кывбуръяс, висътъяс, мойдъяс / Николай Щукин ; [серпасалис А. В. Мошев]. – Сыктывкар : Коми небӧг лэдзанін, 2003. – 192 лист бок : серпас.

Азбукаа нӧдкывъяс / Николай Щукин ; [серпасалис И. А. Авилова]. – Сыктывкар : Коми Республикаса гижысь котыр, 2012. – 32 лист бок : серпас.

Шондіа асыв : гажа кывбуръяс, нӧдкывъяс да висътъяс / Николай Щукин ; [серпасалис Н. Коносова]. – Сыктывкар : Коми йӧзӧдчан керка, 2013. – 48 лист бок : серпас.

Н.А. Щукинлӧн олан туй да гижӧдъяс йылысь

Рочева С. Н. Щукин Николай Александрович / С. Н. Рочева // Литература Коми : справочник школьника / Министерство культуры и национальной политики Республики Коми, НДБ РК им. С. Я. Маршака. – Сыктывкар : Седьмая печать, 2007. – С. 322–326 : портр.

Пунегова Л. А. Николай Александрович Щукин // Посни войтырлы коми литература йылысь / Л. А. Пунегова. – Сыктывкар, 1993. – 193–198 лист бокъяс.

Мамонтова Н. Николай Щукин: «Шмонитнытӧ зэв ёна радейта» / Н. Мамонтова // Йӧлӧга. – 2007. – Май 11-ӧд лун. – 10–11 лист бокъяс : фот.



НАЦИОНАЛЬНАЯ
ДЕТСКАЯ БИБЛИОТЕКА
РЕСПУБЛИКИ КОМИ
ИМ. С.Я. МАРШАКА

С.Я. Маршак нима Коми Республикаса
челядълөн Национальнӧй библиотека

«Коми гижысьяс – челядьлы»
НИКОЛАЙ АЛЕКСАНДРОВИЧ
ЩУКИН



Сыктывкар, 2023

83.3(2Рос=Коми)

П94

Составители:

Коваль Н.В. – главный библиограф отдела краеведения и коми литературы ГБУ РК НДБ
Камбалова Л.Н. – заведующий отделом «Центр детского чтения» ГБУ РК НДБ

Редактор:

Худяева О.И. – методист 2 категории отдела краеведения и коми литературы ГБУ РК НДБ

Оформление:

Нагаева В.С. – художник ГБУ РК НДБ

Источники фото:

Фото на обл. – [Николай Александрович Щукин] : фотография. – Изображение : электронное // Союз писателей Республики Коми : [сайт]. – URL: <http://soyuz-pisateley.komi-nao.ru/persona/shchukin-nikolai-aleksandrovich> (дата обращения: 22.02.2023).

Фото на с. 2. – [Николай Александрович Щукин] : фотография. – Изображение : электронное // Культурная карта Республики Коми : [сайт]. – URL: https://cultmap.ru/news_section/stati/literatura/pisateli/schukin_nikolay_aleksandrovich/ (дата обращения: 22.02.2023).

Фото на с. 12. – [Николай Александрович Щукин] : фотография. – Изображение : электронное // МБУК Сыктывдинская ЦБС : [сайт]. – URL: <https://www.sykttyvdincbs.ru/news/895/> (дата обращения: 22.02.2023).

Щукин Николай Александрович : комплект плакатов : на коми яз. / Национальная детская библиотека Республики Коми им. С. Я. Маршака ; сост. Н. В. Коваль., Л. Н. Камбалова – Сыктывкар, 2023. – (Коми писатели – детям). – (6+).

